

150.5 Dakota

| | | |
|-------------|---------------|---------------|
| GUACANAGARI | PONTIAC | BLACK HAWK |
| MONTEZUMA | CAPTAIN PIPE | KEOKUK |
| GUATIMOTZIN | LOGAN | SACAGAWEA |
| POWHATAN | CORNPLANTER | BENITO JUAREZ |
| POCAHONTAS | JOSEPH BRANT | MANGUS |
| SAMOSET | RED JACKET | COLORADAS |
| MASSASOIT | LITTLE TURTLE | LITTLE CROW |
| KING PHILIP | TECUMSEH | SITTING BULL |
| UNCAS | OSCEOLA | CHIEF JOSEPH |
| TEDYUSKUNG | SEQUOYA | GERONIMO |
| | SHABONEE | |



TO PERPETUATE THE HISTORY
AND DEVELOPMENT OF THE
PEOPLE REPRESENTED BY THE
ABOVE CHIEFS AND WISE MEN
THIS COLLECTION HAS BEEN
GATHERED BY THEIR FRIEND
EDWARD EVERETT AYER

AND PRESENTED BY HIM
TO
THE NEWBERRY LIBRARY
1911

ELIZA MARPICOKAWIN,

RARATONWAN OYATE EN WAPIYE SA;

QA

SARA WARPANICA QON,

HE NAKUN IKCEWICAXTA OYATE WAN ETANHAN.

Amos

BOSTON :

PUBLISHED FOR THE AMERICAN TRACT SOCIETY, BY
CROCKER & BREWSTER.

1842.

ELIZA MARPICOKAWIN,

RARATONWAN OYATE EN WAPIYE SA.

MARPICOKAWIN mde tanka wan ekta tonpi, hehantanhan waniyetu tonana.

Dekxitku kin he wicaxtayatapi heon winorinca kin hinarin wikoxka unkan hehan hanmdesa kin heca kta e karnigapi. Iye wicoran kin eciyatanhan he okihi kta otanin kta, on wikcemna can hehanyan taku yute xni un qa mini ecedan yatke kta konzapi. Hecen wakeya wan ohna ixnana yanke ça kitana rin ni tuka ecen econ.

Hehan tankan aupi, unkan nina wote ça heon wayazanka hihda, qa wi ota akisni xni. Akisni unkan hehan iye cinka napciwanka can taku yute xni qa hecen winorinca wakan eciyapi. Hetanhan oyate kin rtani kte xni keyapi qa wakeya waxte rinca qupi qa woyute wokoyake koya waxtexte en aipi ce. Nakun ptan ha candojuha tanka pejihuta wopiye wan qupi. He ohna taku on wihanmde ça wapiye kte cin okihnaka. Pejihuta opiye kin he nina terinda qa he wowinkta hdawa. Wakan wacipi opapi kin tankinkinyan en itancan kin hee.

He nakun mini wakan nina yatke ça witko icunhan ptan ha candojuha kin kitanin xni. Hehan wanji tokeca qupi, tuka he nakun waniyetu nomnana hduha. Unkan cinca wanji kiça, hee qa ptan ha candojuha kitanin xni qa oyate kin yuonihanpi xni hena on iyokixica, hecen wicoran xice cin owasin en iyorpeiçiya.

He iyohakam nakun cinca wan tokeca kiça. Hehan wahokonkiyapi anagoptan qa mini wakan yatke xni. Tuka ecadan wicaxta wan winorinca kici can mahen mini wakan narmana kihnakapi kin hena om ekta i unkan yatkan cinkiyapi. Witkopi icunhan winorinca uma kin ix takudan on etanhan xni inawizi qa kici kicize ça poge baksa. Heon nina ixtece ça içikte kta tuka taku-

wicaye cin awanhdakapi. Wancadan termiso iyaidaxke, ça poskin teiçiye kta tuka. Unkan otonwe wan Makina eciyapi he ekta mini wakan huwe ipi qa hdicupi hehan mde kin en iyorpeiçiye ça minin te kta tuka wahektape cin paha kin en yuze ça watan ohnaka.

Wana cinca wanjidan rin hduha qa hecen tuktektan Makina wita akan un qa ake huta kin ekta un eca mini wakan hecedan cin ece.

Tokaheya sdonwaye cin waniyetu 1823 ptanyetu hehan. Wana wowapi yawa wicunkiyapi, unkan hehan cihintku kin wanmdake ça iyewakiya. Unkan ieskakiyapi wan kici honku tipi kin ekta wai. He nina warpanica wanmdaka tuka cihintku kin unqupi kte xni keya. Icinonpa ekta wai hehan hokxidan kin wicada qa honku kin ix kitan rin iyowinkiya. Tuka anpetu itonana hehan narma kihda. Ake emdaku kex waniyetu ohiniyan honku kin ebdaku kte rinca

Wetu hehan Hinta Wita ekta canhanpi karwakiye kta kepa, mini wakan yatke xni kinhan. Nina wahokonwakiye ça tanyan ecawecon kin heon ix tanyan oranyan. "Hecen token oyakihi ecanon kinhan untipi en yaun kta ce," ewakiya. Hehantanhan yamni topa ecen witko sdonwaya.

He iyohakam waniyetu nonpa hehan tokaheya awacin. Anpetu wakan eca Tipi wakan en i ece, qa Wakantanka oie oyakapi icunhan tuktektan ceya ce. Hehan akex awacin xni qa Anpetu wakan tonana en i xni. Wakan-tanka onxikida kte xni kecin. Tuka nakun wocekiye dowanpi ko naron kte rince ça hecen tiyopa kin itankan hinajin qa nina cuwita kex ecen najin.

Waniyetu osan hececa. Ix iye Wakantanka kokipa tuka tokan tanhan wocekiye eyapi kin naron kta hena on etanhan okini Wakantanka onxikida kta kecin.

Wetu canhanpi kagapi icunhan nina iyokixice ça anpetu otoiyo hi kaken awacin. "Okini matokeca xni qa wicacante xice cin weçun qa tohan maçe cinhan ohiniyan kakixya waun kta."

Mdoketu hehan woju tipi ekta un tuktektan awakicin un qa ixnana tankan wocekiye eye iyaye ça ceya ece tuka ohiniyan iyokixce cin anakipte xni.

Hehan ptanyetu unkan nina waunyazanpi qa ix eya cihintku kici wayazanka hinhda. He icunhan canku

unkitawapi ohna taku waxte iyeye xni qa hecen ake iye wicoran hduhe kta kecin. Hanyetu tonana ikceya odowan ahiyaya. Untipi kin ekta unkahdipi unkan hehan he ayaxtan tuka nakun awacin xni, cihintku kin wana ranye ça hecen awanhdag un. He nina taku okiyaka tuka anagoptan xni, tuwe tawacin wanice cin he iyececa qa takudan okihi xni

Cihintku kin Josep eciyapi, wana ƣe kta hehan tehan kici wohdaka.

“Wana ecadan maƣe kta, ohiniyan mini wakan datke kte xni, wicaxta wakan om yaun qa oie anawicayagoptan qa anpetu iyohi Wakantanka ceyakiye kta wacin.”

Honku kin “Nix niƣe cinhan mix nakun maƣe kta ce,” eya.

“Hiya hecetu xni,” Josep eya, “niye token ehe cin ecetu kte xni, tuka Wakantanka tohan cin kinhan hehantu kte.” Unhanketa taku eye cin kiksuye ça, ecen econ kta keya.

Josep ƣe ça rapi kin icunhan ohiniyan nina ƣins içiya e owasin wanyakapi.

Wanagi kin wana kihda wanyaka hehan ixtaminihanpe au qa “Micinkxi micinkxi” eye ça sanpa takudan eye xni.

Rapi kin iyohakam weciimdotanke ça kici iwae ça, “Tokeca e nakaha heniceca he. Nicinca tokeca ƣapi qehan nakun hecen yaun he” ewakiya.

“Hiya, Ikcewicaxta wicoran kin opeya waun qa nina bamiçihon qa awicawakiceya ce. Tuka nakaha hema-cece xni. Wakantanka he waxte qa owotana ecamicon epca ce” eya.

He irtayetu hehan cihintku ƣe cin wohdake ciqon owasin piya kiksuye ça Wakantanka towaonxida iyohi kte xni kecin, tuka ihnuhana ake wancadan Wakantanka onxikida kta e icekiye kta. Hetanhan iecadan Jesus towaxte kin en iyuxkin. Hehan tiyohnaka kin owasin nina cante en wicayuze ça, “Micinca kin tohini iyecen waxte wicawakidake xni ce,” eya. Hehan nakaha Josep ƣe cin kiksuya kex iyokixice xni ce. “Canku waxte cistiyedan ohna waun se ececa qa Josep wokiksuye kin he canku kin etanhan icunom yemayan qa hecen ake ohna mawani kta wacin ce” eya.

He iyohakam token wacin yuze cin iwangapi unkan; "Hehantanhan Wakantanka en ohiniyan imduxkin. Mesiya en Wakantanka towaxte kin wanmdake cin ehantanhan sanpa waxtewadake kta wacin qa minagi ekta he iyecen sanpa imacage kta wacin. Tona Wakantanka sdonye xni un kin hena on iyotan iyokixin waun. Tipi wakan ti mahen imdamda icunhan tona Wakantanka waxtedake xni kin hena on waceya.

"Totanhan minagi wookiye en un kin hehantanhan anpetu wan Wakantanka mici un xni sdonwaye xni. Wana ecadan Wakantanka maka kin de etanhan emahdaku kta qa wiyeya waun kta he ionximakida.

"Anpetu wakan otoiyohe kaken awacami; nakaha Anpetu wakan hemicinakeca qa Wakantanka kici waun kte cin he Anpetu wakan wanjidan sam ikiyadan waun ce."

Wancadan wayazan qa ranye ça wana te kta keyapi, unkan ekta unkipi. Kitana rin iapi okihi. Token wacin yuze ça token iyokipi kin hena iwangapi unkan, ecadan Wakantanka om un kta hecen iyuxkin keya qa winorinca wan kaken eciya; "Mde kta inawarni, wana dehantu kta wacin ce." Tuka iyohakam ecinxniyan eya kecin qa heon iyokixiniçiye ça ceya hinnda.

Ake hanyetu wan ixtima wanka tuka tehan ixtibe xni, kikta qa wocekiye eya cin. Hehan iyotanke ça canpe-xka makehdeya inajin tuka ptecedan cekiya hehan nina rba. Nonpa akihde hecon hehan kikta qa nina inihan, Wakantanka waxte dake xni kokipa. Hehan cante kin ojudan qa ixtima okitpani qa hanyetu osan wocekiye eye ça Wakantanka kici un kin heon iyuxkin.

He iyohakam mix kaken imunga; "Mesiya en wookiye iyeyaye xni qehan wi ota ihuniyan iyonixixice ça nina ceyakiya kehe cin. Wocekiye kin hena on Wakantanka iyuxkin niye ça hena on taku waxte yukan he."

"Hiya, Jesus minagi kin onxikida heon Wakantanka towaonxida kin eciyatanhan wicaxta wakan onspemakiyapi kta u wicaxi."

"Ohiniyan nihnayanpi xni kecani qa tohini Wanikiye cin kici yaun kte xni kinhan koyakipe xni he."

"Ohiniyan Wakantanka minagi kin onximakida kta sdonkiya waun. Mioran xice cin awacami kin he Wakantanka ekta yemayan ce."

"Nicante kin etanhan Wakantanka T'aniya Wakan ehdaku qa aniyuxtan kinhan tonikece kta he."

"Matakuni kte xni ce."

"Nicante kin etanhan Wakantanka Taniya Wakan ehdaku kte cin koyakipa he."

"Hiya. Tona wacinyanpi kin hena wicahduhe kta he Wowapi wakan en oyakapi, qa token eye cin ecen econ kta sdonwaya."

"Wana ecadan niŋe kta unkecinpi, nakaha niŋe kta koyakipe ɕa tawaŋenyaye xni he."

"Hiya."

"Wakantanka cin unkanx niŋa yacin qa ohini iyonicipi kta he."

"Han. Nakaha ptanyetu kin anpetu nonpa qa hanyetu nonpa hehanyan nina wamayazanka. Wakantanka hecedan okizimayan okihi qa ix emahdaku okihi e sdonwaya, he ehan he iyokipi sdonwaya unkanx maŋe ɕa Wakantanka kici waun qa iyomakipi qa imduxkin kta tuka."

"Wehan sanpa okodakiciye kin en ope niyanpi, hehan token awacani he."

"Hena Jesus kage ɕa econ unxipi qa tokeca on econ unxipi kin owakarniga hehan en owape kta nina wacin, unkan nakaha wicoicage kin de en taku wanji wowaxte iyecen tanka sdonwaye xni. Tokaheya wohduze owape ɕehan Itancan kin mici un qa tohini tawa miɕiye kte xni wacami. Micante kin ekta Wakantanka towaxte yuha waun kin heon token imduxkin owahdake kta exta owakitpani. Aguyapi mini xa ko iwacu hehan Wakantanka en ope maye cin on wopida ewakiya. Ake maka akan tohini en owape kte xni, qa akex owape cinhan he marpiya ekta Wakantanka tawahnawotapi kin en owape kta kepca."

"He wacin duze cin ecetu xni wandaka, tuka otakiya en oyapa. Ohiniyan nicante ekta he en iduxkin he."

"Han."

"Ohiniyan Wanikiya waxteyakidake xni unkanx wohduze kin taku okihi niye kta kecani he."

"Hiya. Wanikiya waxtewakidake xni unkanx hena en imduxkin kte xni tuka."

"Token oyakihi kin Wakantanka anayagoptan xni kinhan wowiyuxkin kin de duhe kta naceca he."

"Hiya mduhe kte xni. Wana wicoran qa wicortani kin takudan owakihi xni tuka ohiniyan tiyohnaka kin de on wocekiye epa. Hena wiconi en opapi kta wacin ce" eya.

"Token oyakihi kin hehanyan Wakantanka wicaxta hiyeye cin om waxteyecidaka kecani he."

"Hiya, waxtewadaka kepca tuka token econ maxi kin iyohiwaye xni."

"Tohan Wakantanka towaxte kin en nihduxtan kta he."

"Marpiya ekta wai kinhan."

Winorinca kin he cagu yazan qa tehan we kaxpa, tuka ohiniyan iyuxkinyan un. Anpetu kin en ɽe cin hehan; "Ecin maɽe kta tuka takudan ikowape xni ce" eya. Wana rtayetu unkan tiyohnaka kin owasin napewicayuze ɽa, "Maka akan icimana wanciyakapi kte xni" eye ɽa hehan axkadan ixtima iyaya.

Omaka 1830, Tahecapxun wi anpetu 23, he en ɽa.

'Anpetu okirpapi kin he kiksuye ɽa wakan da wo.'

ODOWAN.

1. ANPETU wan nitawa kin,
Wakantanka Ate,
Weksuye ɽa wakan wada,
Ionximada ye.

2. Wicortani owasin rin,
Anpetu xakpe en,
Ecamon, qa ixakowin
Owakirpe kta ce.

3. Wicoxkate ecamon kin,
Hehan ecamon xni;
Wocekiye eyapi kin,
En owape kta ce.

SARA WARPANICA QON.

ISANTANKA tamakoce kin ekta miniwanca kahda Ikce-wicaxta oyate wanjikji ounyanpi. He etanhan winorinca wan Sara ec iyapi he nakaha omdake kta. 'Tokenken ie ça oranye ciqon hena wowapi en kagapi qa hena wowi-
cake.

Tokaheya Sara wati kin en hi unkan, "Waniyetu sni kin de token ihuniyaya he" epa.

Unkan ix hecen eya, "Wana waniyetu kte hehan iyo-makixca, mihihna wanica, deciya micinca wanjidana, tuka owanji yanke xni ohiniyan xicaya econ. Okini wa xbe kta, okini peta mici sni kta, tuwedana mikiyedan ti xni, okini mixnana waun wamayazanke ça maçe cinhan tuwedana sdonmaye kte xni. Hecen awacami qa waceya. Hehan taku micante kin mahentanhan, Sara Wakantanka wacinyan ye, taoyate kin tohini awicayuxtan kte xni. Sara tohini erpeye kte xni, hecedana takuye rinca, Sara Jesus okiyaka ye, he wocekiye naron ece, emakiya. Tan-kan mde ça oteri mahen tuwedana wanmayake kte xni hen wai qa canpexka makehde inawajin qa cewakiya. Wakantanka wicoie ota mii kin en ohnaka hecen tehan cewakiya. Wakantanka ocowasin woociye micaga. Tipi ekta waki tuka wocekiye amdaxtan xni. Wakantanka nina waxte wadaka qa ohiniyan wotektewahda, wamaya-zan qa tuwedana kici waun xni maça exta Wakantanka he en miciun kinhan he waxte wadake kta. Iye taku-dana nuni xni qa miye qe taku owasin wanuni. Hecen cante mawaxte qa dowaun waun" eya.

"Unkan Sara ohiniyan taku yutapi duha he" epa.

"Han waniyetu ohiniyan wamnaheza yutpanpi kin mduha" eya-

"Qa tado taku toktokeca ko duha he" epa.

“Hiya hena tehan takudan mduhe xni. He nina wacin, qa mitawacin xica, tuka ake Jesus rewoskan wotektehda qa Satan taku yutapi kage xi tuka wicada xni qon he weksuye ça hecen Sara taku yutapi yuhe kta e on woartani econ kte xni. Miye wamawanon xni qa tehan wotektewahda exta taku manonpi kin etanhan wate kte xni. Hehan Wakantanka atayedan Cihintku towitan ko kitana wanyagmakiye ça hena owasin ecadan mitawa kta sdonwaya. Ate ti kin ounyanpi kte cin otakiya. Hen waun kinhan tohini wotektehda waun kte xni e sdonwaya,” eya.

Sara hibna ton qa cinca yukan tuka naharin Wakan-tanka oie kin naron xni qa wowapi onspe xni. Hihnaku kin xicaya econ qa hdaxtaka ece. Hecen nina iyokixica un.

He iyohakam Sara iye oran kin omakiyaka. “Anpetu osan iyomakixica. Hanyetu eca mihihna canniye hdi ece. Hehan mitakuye wanji wacin tuka mitakuye wani-ca. Iyomakixice cin tuwe tokeca owakiyake kta tawa-tenwaye xni. Hecen tuwedan okiyake xni waun qa anpetu hanyetu ko waceya ce. Anpetu wakan wanji en mikiyadan ti kin wanji en mahi qa ‘Sara kuwa tipi wakan kin ekta unye kta ce’ emakiya. Hehan micinca wicawakipan qa tipi awanhdag wicawaxi. Ekta wai unkan wicaxta wakan kin, Jesus token econ qon owasin oyaka — tatanka tipi wan ohna tonpi, ohiniyan taku owasin icakix un, can susbeca en ktepi, rapi unkan ake kini qa marpiya ekta hda : hecen wartanipi sa kin hena ohiniyan takuwicaye kta. Qa iyonixica hecinhan Jesus okiyaka wo. Iyowicakixica en ixnana takuyapi waxte, etanhan enihdaku kta qa ix en yaun kin waxag niye kta qa okihi niye kta ce, eya. Hena nawaron qa, hehan wahde ça ohiniyan awacin waun. Sara warpanica qa Jesus oie kin ota naron xni. Hehan Jesus token mitawacin kin owakiyaka. Tuka micante terike wakidaka, takudan okihi xni. Heon nina iyomakixica.

“Ake Anpetu wakan unkan ake ekta mda wacin. Tuka mihihna, ‘Hiya de kte xni ; ekta de cinhan cihdaxtake kta,’ eya. Hecen ape manke ça wotihni iyaye cin hehan micinca tipi ohna onawakitake ça ekta inyang mde ça tiyopa kin en imdotanke ça, micante kin xica, Wakan-tanka waxtedake xni, Jesus waxte dake xni, cekiyapi

waxte dake xni, hecekcen micante kin omiciyaka e nawakiron.

“Hehan tokeca on Jesus takumaye kte xni e wanmdaka, micante kin xice rince cin heon etanhan. Jesus cante teca micaga ye, eyaya cekiya wahda. Ekta waki unkan, micinca tanyan yakonpi wanmdaka, qa mihihna naharin hdi xni, heon imduxkin. Qa micante kin xica hecedan on iyomakixica. Tuka token on waxte miçicage kta sdonwaye xni. Hanyetu hehan mixtibe ça wiwahanmna, Wowapi wakan mdawa unkan Sara ake tecaniyen tonpi kta he mdawa kepce ça hanrana unkan oie kin he token kapi awacin manka. Mihihna tankan iyaya unkan ti tokan wai qa winorinca waxte wan, Wowapi wakan kin he hecen eya he, eya imunga. Unkan ix wicaxta waonspekiya wan hanyen Jesus en i qon he omakiyaka, qa Wowapi wakan etanhan yawa. Unkan he Sara iyececa ye, epca. Ix eya Jesus oyakapi kin narmana naron i ece, hihnaku sdonya unkanx xihda kta tuka. Hehan iyotan Jesus takuwaye kta wacin. Qa token cante teca mduhe kta e winorinca qon imunga. Unkan, ‘Nicante kin Jesus qu ye, Woniya Wakan teca nicage kta e niçu kta ce’ eya. Tuka he taku ke cin sdonwaye xni. Woniya Wakan caje yatapi tohini nawaron xni.

“Ake Anpetu wakan kinhan ekta mde ça ix iye wicaxta wakan kin omiciyake kta, unkan he token ecamon kte cin omakiyake kta, keya. Hehan token tecaniyen matonpi kte cin he naron mda. ‘Wakantanka itokam makata erpeniçiye ça wayartani kin heon iyonixice cin he oyakidake kta qa cante teca yakida kta qa Jesus Mesiya eciyatanhan Woniya Wakan kin yakida kta ce,’ wicaxta wakan kin, emakiya. Hehan canku kin sdonwaye cin heon cante waxte wahda. Ekta waki unkan mihihna nina xihda. Anpetu wakan owape cin heon, qa owanji manke xni qa rtawani xni kin he etanhan. Tuka wana Anpetu wakan eca Sara rtani okihi kte xni ce, he Wakantanka woartani daka, hecen hanwiyampa rtawani kex Anpetu wakan kinhan hecamon kte xni, epa. Heon nina xihda qa hanyetu hehan wamnaheza ahdate maxi. Mix ohiniyan wocekiye epa wacin qa hecen magata wai qa awakate cin icunhan cekiya waun. Wahdi unkan mihihna ixtima wanka. Hehan canpexka makehde inawajin qa micante xice cin he Jesus icu waxi, micante

xice cin he wacin xni qa cante teca micage kta e Woniya Wakan maqu kta e icewakiya. Hecen anpetu ota cante teca wakida. Ohiniyan Anpetu wakan owapa Mihihna mahdaxtaka exta he taku wada xni.

“Anpetu iyohi ti tokan Wowapi wakan yawapi naron wai. Hececa unkan iyohakam anpetu ota hehan Wakan-tanka tawacin ocowasin teca micaga. Hehan Jesus waxte wadaka, wocekiye eyapi waxte wadake ça token iyomakixice cin owasin Jesus owakiyaka waxte wadaka. He iye iyomakixice cin yutokan iyemiciciye ça minagi kin ekta iyuxkin mayan.”

“Wowapi wakan yawapi owakihi xni, qa Jesus iyecen waun xni kin hecedan on iyomakixica. He taoyate waxte Wowapi wakan en oyakapi qon hena iyecen waun wacin. Hecen owankicahinte ota wakage ça hena Wowapi wakan wan iyopewaya. Wahdi unkan mihihna wimatkotkoka, keye ça wowapi kin petan erpeye kta keya. Heon anawarbe. Unkan iye tankan i hehan wowapi kin emdaku qa nina iiwaputaka, Jesus oie waxte kin hee he etanhan hecamon.

“Hehan winorinca wan mikiyadan un kin he ekta mde ça wowapi yawa makiye kta kepa. Unkan ix ‘Han’ eya. Hecen anpetu ota wowapi oowa kin onspemakiya. He icunhan ohiniyan Wakantanka oie kin okihi maye kta e wocekiye ewakiya. Hecamon qa odowan waxte qa wicoie waxte ota yawapi owakihi. Hecen anpetu otioyohi Wowapi wakan mduhe cin he iwacu qa he Wakan-tanka oie kin ee qa token wartanipi sa kin on Jesus icipawer okatanpi qon hena micinca kin owicawakiyaka ece. Qa hehan witaya canpexka makehde inajinwicawakiye ça Wakantanka cante teca wicaqu kta e icewakiya, qa nakun mihihna xicaya oranye cin he on cewakiya ece. He nagi kin peta petaga ehna iwanke kta e kowakipe cin heon nina iyomakixica.”

Sara hena hecen eya ohdaka unkan, “Nihihna waniyetu tona ni un he” eya imunga.

“Waniyetu ota” eya.

“Unkan, Ilduecetu qa wicaxta waxte içicaga he,” epa.

“Hiya, woartani en sanpa iyopta. Wayazanke cin hehan on nina iyomakixica, anpetu iyohi kici iwaa tuka namaron xni. Peta ide kin tukten wanmduxkadan te

xni qa peta sni xni kin en iyoyarpa de kta yacin he ewakiya. Unhanketa xihda qa inina yanke maxi. Hecen takudan sanpa epe xni; tuka anpetu otoiyohe Wakantanka itokam on waceya ece.

“He iyohakam minin ɕa, unkan behan, Ate nitawacin kin ecen econpi nunwe. Jesus taku owasin tanyan econ ece. Wana takudan sanpa owakiye kta owakihi xni. Wakantanka yuha yanka; owasin hecetu, micante kin eciyatanhan epapa.

“Hehan micante kin ocowasin Jesus tawa, kewakiya; ohiniyan wowidag maye kta, kepe ɕa, Woniya Wakan kin micante kin en mau qa ocowasin teca qa ska makage kta, Jesus iyececa. Qa Wakantanka oie skuye cin he sanpa onspemakiye kta e icewakiya. Wana dehan nakaha Ikcewicaxta wiwazica warpanica hemaca, waniyetu ota hecen waun tuka Jesus ohiniyan mitakuye, mihihna, mitimdo, qa ocowasin mitawa kin hee. He iye makakije cin en wacintanka makage ɕa iyotan tohan maɕe cinhan wowitan tanka waxte mduhe kta e awacin mayan. Hecen ehake matokeca kte cin he ape manka ce” eya ohdaka.

Sara wojuha wiyaka oju qa otonwe kin ekta taku yutapi iyopeye kta e ai ece. Qa nakun hastanhanka, waskuyeca toktokeca ko. Tahapi hokxipidan wicinyanpidan ko wanwicayaka eca hastanhanka iyage qa taspan-tanka wanjigji wicaqu qa taku waxte ece econpi kta wocekiye eyapi kta qa Wakantanka oie waxte kin onspe-iciyapi kta e iwahokonwicakiya ece. Hecen econ kin heon wicota he waxte dakapi. Wiyaka tkeya qin mani eca taku awacin ece qa nape yugan mani, wocekiye eyaya mani se iyececa.

Anpetu wan wanmdake ɕa, “Wanikanka qa wanixake xni token hecen tkeya qin oyakihi he,” eya imunga.

“Taku nina tke waqin kte cinhan Wakantanka ekta mde ɕa waxag maye kta e icewakiya. Hecen qin mawani qa ohiniyan Wakantanka towaxte kin awacin waun; woartani econkupi kin on cihintku ɕe kiye cin he; qa Jesus unkiyepi on ɕe iɕiye cin he oran waxte qa Woniya Wakan he ix micante xica ocowasin mayuteca he waxte ecamicon kin hena awacin waun, qa heon iyuxkinyan mawani qa casmu tkeya waqin kin he awektonja ece,” eya.

Ohiniyan Sara Anpetu wakan omɕiciye kin en opa. Qa wicaxta oyake cin he oparta najin yanka. Hetanhan

hde çehan ewehdega unkan “Sara taku nayaron kin waxte yadaka he” ewakiya.

“Han ocowasin waxte, turmaga canhanpi sam iyeya skuya” eya.

Hena hececa unkan wicaxta hnakapi econpi kin he en Sara opa. He ehake wanmdaka. Wati en hdi unkan nina mdokiça. Hehan hecen eya. “Wiconçe mikiyadan u; naka wicaxta hnakapi ece kin ekta waun qehan, wana ecadan den mahnakapi kta ecin waun,” eya.

Unkan “Niça yacin he,—wana wiyeya yaun he” epa.

“Micante xice cin wicake cinhan token Jesus econ maxi kte cin mix hecen ecamon kta wacin. Wana niçe kta ce, emakiye cinhan hehan, iyuxkinyan mde ça he kici waun kta. Qa ehake yani qa taku ota inicakije kta, emakiye cinhan, he tawaßenwaye kta; Jesus takudan nuni xni sdonwaya. Taku marpiya ekta un kin hena wanmdaka eca Jesus wanyag mde kte rinca wacin; marpiya ohnihe iyuxkinyan unpi qa wicaxta wakanpi kin owasin wanwicamdake kte rinca. Micante xice cin de erpewakiye ça mitancan wana kan kin ewehnake kta qa tukten woartani wanice cin heciya mde kta inawarni. Hehan Jesus, ‘Taku wiyeya cihnake kta qa hehan ake wahi qa ecihdaku kta,’ eye ciqon he weksuye ça hecen on hokxiyopa iyecen atanse manke ça, Jesus mico xni hehanyan mda wacin xni ce,” eya.

Hena hecen eya, unkan ehake nape mayuze ça kihda. Ake maka akan wanmdake kta epce xni.

He iyohakam wikcemna nonpa can hehan, “Sara makoce waxte wan ekta ayapi ce,” eyapi nawaron. Waniyetu 1817 he etu.



Odowan.

1 **J**EHOWA Waawanhdake
Mitawa kin hee ;

Heon iwicakakije

Wanin waun kta ce.

2 Peji toto wanke cin en,

Iwanke maye kta ;

Wiconi mini rdoka kin,

Icahda ye mayan.

3 Minagi kin yuecetu,

Iye caje kin on ;

Wicoowotanna canku

Omani makiya.

4. Wiconŋe en ohanzi kin

Ehna mawani kex,

Wokokipe wanin waun,

Mici yaun nakax.

5 Qa tóka maye cin hena

Ekta wo mayaqu ;

Wihdi on pa sda mayaya ;

Woyatke mici han.

6 Wicowaonxida waxte

Wani mayuhe kta ;

Jehowa ti kin en manke,

Anpetu hanske kta.

Ayer
oPM
1024
.E44
1824

AYER

Santa

75

